

Արպեր Երևանի

ԺՈՂՈՎՈՒՐԴՆԵՐԻ ԲԱՐԵԿԱՄՈՒԹՅԱՆ ՄԵԾ ԴՐՈՇԱԿԱԿԻՐԸ

(Մ. Ֆ. Ախունդովի մահվան 75-ամյակի առթիվ)

19-րդ դարի սկզբին Ադրբեջանի միացումը Ռուսաստանին շրջադարձային կետ հանդիսացավ ադրբեջանական ժողովրդի բազմադարյան պատմության մեջ։ Այդ միացման շնորհիվ ադրբեջանական ժողովուրդը փրկվեց Իրանի և Թյուրքիայի բարբարոսական ճնշումից և սկսեց արագորեն զարգանել իր էկոնոմիկան ու կուլտուրան։ Խանությունների բաժանված, ցրված և կուլտուրապես հետամնաց Ադրբեջանը կապվում էր տնտեսապես և կուլտուրապես բարձր աստիճանի վրա գտնվող Ռուսաստանի հետ։ Ադրբեջանի կոմունիստների մարտական ղեկավար ընկեր Մ. Ջ. Բադիրովը ճիշտ կերպով գրում է, որ «Չնայած ցարական գաղութարարների կամայականությանը և դաժանությանը, Ադրբեջանը Ռուսաստանին միացնելը ադրբեջանական ժողովրդի համար բացառիկ դրական դեր խաղաց։ Մոտիկությունը ողջ ժողովրդի հետ, ովքեր աշխատավորների հետ համատեղ պայքարը ցարական ինքնակալության դեմ, շփումը առաջավոր ողջական կուլտուրայի, պրոգրեսիվ, ռեուլյուցիոն ողջ հասարակական մտքի ներկայացուցիչների հետ՝ նպաստեցին ադրբեջանական ժողովրդի նյութական և հոգեոր կուլտուրայի բարձրացմանը ու խթան հանդիսացան Ադրբեջանի աշխատավորների շրջանում ռեուլյուցիոն շարժման զարգացման համար»¹։

Առաջավոր ողջական կուլտուրայի և գրականության հետ ծանոթությունը՝ 19-րդ դարի ադրբեջանական ինտելիգենցիայի շրջանում ուժեղ կերպով զարգացրեց լուսավորչական հայացքները։

Ադրբեջանական ժողովրդի պանծալի զավակներ Մ. Ֆ. Ախունդովի, Ս. Ա. Շիրվանիի, Հ. Բ. Ջարդարիի, Ն. Բ. Վեզիրովի և 19-րդ դարի ուրիշ մի շարք հայտնի գեմքերի լուսավորական հայացքները ձևավորվել են ողջական առաջավոր մտքի խորը ազդեցությամբ։

Ադրբեջանական այդ ականավոր գեմքերի լուսավորական հայացքների մեջ կարևոր տեղ ունի ժողովուրդների բարեկամության գաղափարը, որը հնագույն դարերից հանդիսացել է ադրբեջանական գրականության լավագույն տրագիդիաներից մեկը և նոր աստիճանի բարձրացավ 19-րդ դարում՝ Ադրբեջանը Ռուսաստանին միանալուց հետո։

Հայտնի է, որ դեռ միջնադարում ապրող ադրբեջանական բանաստեղծները գիտակցել են ժողովուրդների միջև սիրո և բարեկամության ամրապնդման խորը նշանակությունը, իրենց երկերում մեծ սիրով կերտել են այլ ժողովուրդների ներկայացուցիչների կերպարները։ Համաշխարհային պոեզիայի գագաթներից Նիզամի Գյանջևին իր անմահ պոեմներում ագրբեջանական ժողովրդի զավակների հետ հավասար պատկերել է նաև ողջ,

¹ Մ. Ջ. Բադիրով, Ժողովուրդների մեծ առաջնորդ, Ադերնեշը, 1950, էջ 32։

չինական, հնդկի, հոմեաացի, իրանական ժողովուրդների ներկայացուցիչներին, նույն սիրով խոսել է ծաղկազարդ Հայաստանի և Վերեսը սև, բայց հոգին սպիտակ՝ նեղրի մասին:

18-րդ դարի ադրբեջանական ռեալիստական գրականության առաջին նմուշները ստեղծող Վադիֆի և Վիդադիի մի շարք բանաստեղծությունները և ամբողջ ադրբեջանական ժողովրդական բանահյուսությունը տոգորված են ժողովուրդների բարեկամությունից գաղափարով:

Սակայն, պետք է նշել, որ այդ ստեղծագործությունները չեն կարողացել բազմակողմանիորեն արտացոլել ժողովուրդների բարեկամությունը, չեն բացահայտել այդ բարեկամության սոցիալական-քաղաքական արմատները, այդ հարցը չեն կապել այն կոնկրետ, առաջնակարգ խնդիրների հետ, որոնք կանգնած են եղել ժողովուրդների առջև՝ ազատության համար, բռնությունից դեմ նրանց մղած պայքարում: Միևնույն ժամանակ գեղարվեստական այդ երկերում չեն մերկացվել, ջախջախվել ժողովուրդների բարեկամության թշնամիները:

19-րդ դարի ադրբեջանական առաջավոր գրողները, ուսական հասարակական մտքի բարեբար ազդեցությամբ, նոր որակ ու բովանդակություն տվին ժողովուրդների բարեկամության գաղափարին, այն կապելով Անդըրկովկասի ժողովուրդների համատեղ պայքարի հետ՝ ընդգեմ ներքին և արտաքին թշնամիներին:

Չնայած ցարիզմի դործադրած դաժանությանը և Ռուսաստանի ժողովուրդներին իրար հետ թշնամացնելու ստոր քաղաքականությանը, օրեցօր ուժեղացող հասարակական և կուլտուրական պրոգրեսիվ կապերը ազդեցության, հայ ու վրաց ժողովուրդների եղբայրությունն է՛լ ավելի ամրապնդեցին: Անդրկովկասի աշխատավորները ձեռք ձեռքի տալով, ուս ժողովրդի օրինակով սոցիալական-քաղաքական լայն պայքար ծավալեցին ցարիզմի և կալվածատիրության դեմ:

19-րդ դարի առաջին քառորդից սկսած ադրբեջանական բանաստեղծները արդեն չէին բավականանում հարևան ժողովուրդների գեղեցկուհիների գովերգումով (օր. Միրզա Շաֆի—«Սուսանի»), նրանք արտահայտում էին նոր, սոցիալական մտքեր, ժողովուրդներին կոչում էին «միաբերան» լինելու (օր. Գ. Ի. Ջաքիր—«Նամակ Ջաֆարգուլի խան Նավային»):

Սակայն, իրականում Մ. Ֆ. Ախունդովն էր, որ հանդիսացավ ժողովուրդների բարեկամության ճշմարիտ դրոշակակիրը, իր գեղարվեստական երկերում վաշտուն կերպով արտացոլելով այդ բարեկամության սոցիալական-քաղաքական էությունը:

Մ. Ֆ. Ախունդովը առանց խտրության սիրել և հարգել է բոլոր ժողովուրդներին, նա բռնություն, ֆանատիզմի ու տգիտության լծից այդ ժողովուրդների ազատագրման սրբազան գործին է նվիրել իր ամբողջ կյանքը: Ժողովուրդներին շահագործողներն ու կեղեքողները ինչ ազգության էլ պատկանեն, նրանք, այդ բոլոր խաներն ու բեկերը, փաշաներն ու աղաները, թագավորներն ու վեզիրները, ախունդներն ու վալաները, և վրոպական բոլոր գաղութարարները հանդիսացել են Ախունդովի թշնամիները, որոնց դեմ է ուղղված նրա ամբողջ ստեղծագործությունը:

¹ Վախ—կրոնական քարոզիչ:

«Աչքի ընկնող անհատները կարող են ոչնչի փոխարկվել, եթե նրանց իդեալներն ու ցանկությունները հակառակ են գնում հասարակության տնտեսական զարգացմանը, հակառակ են գնում առաջավոր դասակարգի պահանջմունքներին, և ընդհակառակը—աչքի ընկնող մարդիկ կարող են դառնալ իրոք աչքի ընկնող անհատներ, եթե նրանց իդեալներն ու ցանկությունները ճիշտ են արտահայտում հասարակության տնտեսական զարգացման պահանջմունքները, առաջավոր դասակարգի պահանջմունքները»¹։

Մ. Ֆ. Ախունդովը հենց պատկանում էր այդ կարգի մարդկանց շարքին։ Նրա առաջ քաշած առաջագեմ գաղափարները, այդ թվում ժողովուրդների բարեկամության ու համագործակցության գաղափարը բխում էր իր ժամանակի հասարակական-տնտեսական զարգացման պահանջմունքներից։

Մ. Ֆ. Ախունդովի, որպես մատերիալիստ և աթեիստ մտածողի, որպես պրոգրեսիվ քաղաքացու և գրողի, հասունացման գործում մեծագույն, Վճռական դեր են կատարել 19-րդ դարի առաջավոր, վերընթաց ողուսական հասարակական միտքը, առաջին հերթին ողուս մեծ ուղղություն դեմոկրատներ Բելինսկին, Չերնիշևսկին, Դոբրոլյուբովը, ողուս խոշորագույն գրողներ Պուշկինը, Գոգոլը և ուրիշները։

Մեծ մտածողի անձնական կյանքը, շրջապատը, նրա ծանոթությունը և մտերմությունը ողուս, հայ, վրացի և այլ ժողովուրդների առաջավոր գավալների հետ նույնպես խոշոր դեր են կատարել Ախունդովի առաջավոր հայացքների ձևավորման գործում։ Ախունդովը իր կյանքի մեծագույն մասը ապրել է Թիֆլիսում, Անդրկովկասի այն ժամանակվա ադմինիստրատիվ կենտրոնում, ուր ապրում էին բազմաթիվ ժողովուրդներ։ Հենց այդ քաղաքում Ախունդովը ձեռք էր բերել տարբեր ազգությունների պատկանող բազմաթիվ բարեկամներ, ծանոթներ։ Ախունդովի անձնական բարեկամների թվին էին պատկանում այնպիսի հոչակավոր մարդիկ, ինչպիսիք էին գեկարրիստ բանաստեղծ Ա. Բեստուժևը (Մարլինսկի), հայ նոր գրականության հիմնադիր Խ. Արուստյանը, վրաց գրամատուրգիայի հիմնադիր Գր. Էրիստավին, հայտնի ողուս գեկարրիստ բանաստեղծ Ա. Օգոևսկին և ուրիշները, որոնք իրենց անձնական, բարեկամական կապերով և դեմոկրատական, պրոգրեսիվ աշխարհայացքով, ուրիշ ազգերի հանդեպ տածած իրենց խորը սիրով ու հարգանքով, աչքի ընկնող դեր են կատարել։

* * *

Մ. Ֆ. Ախունդովը, որպես ժողովուրդների բարեկամության դրոշակակիր, հանդես է եկել և՛ իր գեղարվեստական երկերում և՛ իր փիլիսոփայական ու գրական քննադատական աշխատություններում։ Նա իր բազմաթիվ գեղարվեստական գործերում մեծ սիրով խոսել է ողուս ժողովրդի, նրա առաջավոր կուլտուրայի, նրա անմահ և քաջ զավակների մասին, գովերգել է հայ և ադրբեջանական ժողովուրդների դարավոր բարեկամությունը, որի արմատները նա տեսել է այդ ժողովուրդների սոցիալական-քաղաքական նույնանման գոյավիճակի մեջ։

Այդ բոլորի մասին բավականաչափ գրել են և՛ ադրբեջանական և՛ հայ

¹ Համ Կ(ր)Պ Պատմության համառոտ դասընթաց, Հայպետհրատ, 1950, էջ 21։

գրականագետները: Մենք այստեղ կանգ կառնենք Ախունդովի այն տեսական աշխատությունների վրա, որոնք մեզ հարուստ նյութ են մատակարարում ժողովուրդների բարեկամության և համագործակցության մասին:

Մ. Ֆ. Ախունդովը ժողովուրդների բարեկամության հարցին միշտ և ամեն տեղ տվել է սոցիալական-քաղաքական բնույթ, աշխատավոր մասսաների ազատագրման գործում ժողովուրդների համագործակցությունը համարել է կարևոր հանգամանքներից մեկը: Նա ճշգրիտ և ստրկացած բոլոր ժողովուրդներին կոչել է միաբանության, միասնության և համատեղ պայքարի՝ ընդդեմ բռնության, անարդարության ու ֆանատիզմի, բացահայտել ու մերկացրել է ժողովուրդների բարեկամության ու բոլոր տեսակի թշնամիներին:

Մ. Ֆ. Ախունդովը ազգերի բարեկամության գաղափարը կապել է հայրենասիրության, քաջության, պատվի, արդարության և հավասարության գաղափարների հետ: Մ. Ֆ. Ախունդովը իր «Քեմալուդդուլայի» նամակները՝ հայտնի փիլիսոփայական աշխատության մեջ գրում է, որ Շնա (այսինքն՝ նամակների հեղինակը — Ա. Ն.) ուզում է, որպեսզի իր ազգի սրտի դաշտում քաջության, պատվի, ազգերի բարեկամության, հայրենասիրության, արդարության և հավասարության սերմերը ցանկան, թշնամությունը վերածվի միասնության, ազգի միջից վերանա բռնությունն ու թշվառությունը, նույնիսկ բերի հարստություն և ուժ¹:

Մ. Ֆ. Ախունդովը բացահայտել և մերկացրել է այն ռեակցիոն երևույթները, որոնք 19-րդ դարում ֆեոդալական-պատրիարխալ Արևելքում ճնշել են ժողովուրդների ազատությունը և եղբայրությունը: Նա, որպես աթեիստ մտածող, իսլամական կրոնը, կրոնական հավատալիքները համարել է ժողովուրդների համագործակցության և բարեկամության, հայրենասիրության ոլորտում թշնամի, մերկացրել և սպանել ծաղրի է ենթարկել այն:

Վ. Ի. Լենինը սովորեցնում է, որ «Գրոնը հոգևոր ճնշման մի տեսակն է, որ ամենուրեք և ամեն տեղ ծանրացած է ուրիշների համար հավատ աշխատող, կարիքի ու մենակության տակ ճգնված ժողովրդական մասսաների վրա: Շահագործողների դեմ մղած կռիվում շահագործվողների անզորությունը նույնպես անխուսափելիորեն հանդերձյալ լավագույն կյանքի հավատ է ծնում, ինչպես բնության դեմ մղած պայքարի մեջ վայրենու անզորությունն աստվածների, սատանաների, հրաշքների ու այլ բաների հավատ է ծնում: Ով իր ամբողջ կյանքում աշխատում է ու կարիքի մեջ է, կրոնը նրան երկրային կյանքում հեզություն ու համբերություն է ուսուցանում, մխիթարելով նրան երկնային հատուցման հույսով: Իսկ նրանց, ովքեր ուրիշի աշխատանքով են ապրում, կրոնը բարեգործություն է ուսուցանում երկրային կյանքում, նրանց արդարանալու շատ էթանագին միջոց առաջարկելով իրենց շահագործական ամբողջ գոյության համար, և ձեռնադնդում երկնային բարեկեցության տոմսեր ծախելով: Կրոնը ժողովրդի հաշիշն է: Գրոնը հոգևոր օղու մի տեսակն է, որի մեջ կապիտալիստները խեղդում են իրենց մարդկային պատկերը, փոքրիշատե մարդավայել կյանքի իրենց պահանջը²:

¹ Մ. Ֆ. Ախունդով, Երկեր, Արևելք, 1938, հատ. 3, էջ 163:

² Վ. Ի. Լենին, Երկեր, հատ. 10, էջ 92—93:

Մ. Ֆ. Ախունդովը բացահայտել է թե իսլամական կրոնը ինչպիսի ողբերգական հետևանքներ է ունենում ամբողջ արևելյան ժողովուրդների համար, ինչպես այդ կրոնը օգնում է բռնակալներին՝ զրկելու աշխատավոր ժողովուրդներին ազատությունից, հավասարության քաղցրությունից և համամարդկային իրավունքներից։ Ախունդովը գրում է. «Արևելքի ժողովուրդները արարների կրոնի հանդես գալու և նրանց Ասիայում հզորանալու պատճառով միանգամից ամբողջովին կորցրին իրենց ազատությունը, բոլորովին զրկվեցին հավասարության քաղցրությունից և համամարդկային իրավունքի բարիքներից և նույնիսկ անգոր են հասկանալու այդ զրկվածությունը»¹։

Ժողովուրդների միջև իրավահավասարությունը, անձի և խղճի ազատությունը ոտնակոխ անող երկերեսանի հոգևորական «գործիչներին» Ախունդովը սպանիչ ծաղրի է ենթարկում և ցույց տալիս, որ մուսուլմանական կրոնի օրենսդրությունը՝ շարիաթը լայն հնարավորություններ է ստեղծում ուրիշ ազգերի իրավունքները ոտնակոխ անելու համար։ Արևելքում ոչ-մուսուլմանը անգոր է իր օրինական իրավունքները պաշտպանելու։ Օրինակ, «...մի ոչ-մուսուլման,—գրում է Ախունդովը,—մի մուսուլմանից իր տաս թումանն է պահանջում։ Մուսուլմանը հրաժարվում է։ Երկուսն էլ, պաշտպանվելու նպատակով, դազիի մոտ են գնում։ Ղազին ոչ-մուսուլմանից վկա է պահանջում։ Բողոքատու ոչ-մուսուլմանը նահանգի պատվավոր վաճառականներից չորս հոգի ոչ-մուսուլման վկա է բերում։ Ղազին այդ չորս հոգի ոչ-մուսուլմանի վկայությունը վստահելի չի համարում և բողոքատու ոչ-մուսուլմանից մուսուլման վկա է ուզում։ Բողոքատու ոչ-մուսուլմանը մուսուլմաններից վկա գտնել չի կարողանում։ Այդ պատճառով էլ իր գումարից զրկվում է և լացուկոծով դազիի դատարանից դուրս գալով ասում է.

«Ո՛վ աստված, սա ի՞նչ օրենք է, սա ի՞նչ դիվան է»։

Միթե դատավարություններում հավասարությունն այսպես կլինի»։

Ախունդովը խորը ատելությամբ դիմելով հոգևորականներին, հարց է տալիս, թե «ինչո՞ւ շարիաթը հեթանոսներից և մուշրիքներից³ ստրուկների և ստրկուհիների վաճառքը թույլ է տալիս։ Միթե այս գործը ամենաստոր բռնությունն չէ։ Եվ միթե ազատության դեմ չէ»։

Շարիաթը թույլատրում է ուրիշ կրոններին հարողներին ենթարկել ամենածանր պատիժների։ Ախունդովը ատելությամբ մերժելով ուրիշ ազգերի նկատմամբ գործադրված մահապատժի այն օրենքը, որտեղ ասված է. «Մուշրիքներին որտեղ տեսնեք, սպանեցեք», գրում է «Արդյոք սա բռնությունն չէ», արդյոք... մարմնի անձեռնմխելիությանը դեմ չէ»⁴։ Մեծ մարդասերը շատ լավ գիտակցում էր, որ «Աշխարհում կյանքը ոչ մի բարիքով չի փոխարինվում և դա որպես լիակատար արտադրության պահանջ ազատ մարդկանցից խլել չի կարելի»⁵։

¹ Մ. Ֆ. Ախունդով, Երկեր, Աղերնեշր, 1938, հատ. 3, էջ 77։

² Նույն տեղում, էջ 214։

³ Մուշրիք—անհավատ, աստծու դոյությունը ժխտող (քաֆիր)։

⁴ Մ. Ֆ. Ախունդով, Երկեր, հատ. 3, էջ 214։

⁵ Նույն տեղում, էջ 216—217։

⁶ Նույն տեղում, էջ 216։

Մերկացնելով կրոնական խավարամուլներին, Մ. Ֆ. Ախունդովը կոչ էր անում ժողովուրդներին համագործակցել, իրարից Տգիտություն և արդյունարերություն» սովորել: Մի վախճան, ով գիտնականներ, ով շարլատաններ, ինչու խեղճ, տգետ ժողովրդին... գծովսքի վախով՝ չեք թողնում ուրիշ ազգերի հետ հանգիստի և (նրանցից) դիտություններ և արդյունարերություն սովորի՞մ:

Խոսելով ժողովուրդներին միջև տնտեսական և կուլտուրական փոխադարձ կապի անհրաժեշտության մասին, նա դատապարտում էր ժողովուրդների անիմաստ ուխտադնացությունը դեպի Մեքքա: Տարբեր ժողովուրդների հարյուրավոր ու հազարավոր ներկայացուցիչների հավաքույթը Մեքքայում ոչ մի օգուտ չէր բերում այդ ժողովուրդներին:

Ընդհակառակը, այդ ուխտագնացությունը բազմաթիվ ֆլասներ էր հասցնում ուխտավորներին ու նրանց ընտանիքներին: Ուխտավորները մեծ քանակությամբ գումարներ էին ծախսում. նրանցից շատերը ճանապարհներին կոտորվում էին: Արարիայում սկսվող խուլերան ուխտավորներին միջոցով տարածվում էր ամբողջ աշխարհում, պատճառ դառնալով հազարավոր մարդկանց մահվան:

Ախունդովը մերկացնում և մերժում էր ոչ միայն իսլամական, այլ քնդհանրապես բոլոր կրոնները, որպես մարդկությանը համբերատարություն ու տգիտություն քարոզող իդեոլոգիա: Ճես բոլոր կրոնները փուչ և առասպել եմ համարում,—բացականչում էր Միրզա Ֆաթալին,—նրանցից ոչ մեկին, հանդերձյալ կյանքում փրկության հույսով, չեմ հարում՞:

Եվ պատահական չէ, որ Ախունդովը համառորեն պայքարում էր մյուսրիդիզմի և Շամիլի գլխավորած ռեակցիոն հոսանքների դեմ, որոնց գործունեությունը լինելով անգլիական գաղութարարների քաղաքականության թելադրանքը, նպատակ ուներ պառակտում գցել ռուս և Ռուսաստանի այլ ժողովուրդներին միջև, ենթարկել Կովկասի ժողովուրդներին թյուրք ենիջերիներին և անգլիական գաղութարարներին¹:

Իր ամբողջ կյանքում Մ. Ֆ. Ախունդովը համառ, հետևողական պայքար է մղել նացիոնալիստական պանիսլամիստական «գաղափարախոսության» դեմ, որը մի արյունոտ զենք է եղել օսմանական սուլթանների ու փաշաների և պարսիկ շահերի ու վեզիրների ձեռքում՝ ժողովուրդներին բռնության ենթարկելու, կրոնական կապանքներով կաշկանդելու և նրանց միջև խոռվություն և կոտորածներ հրահրելու համար:

Պանիսլամիզմի գաղափարախոսները քարոզում էին, թե իբր աշխարհի բոլոր ազգերը կեղտոտ են, բացի պարսիկներից կամ մուսուլմաններից: Այդպիսի մոլի պանիսլամիստ էր պարսիկ ֆանատիկ բանաստեղծ Սիրուշը, որը Ախունդովի կողմից ենթարկվել է սպանիչ ծաղրի: Աշխարհի բոլոր ժողովուրդներին,—գրում է Ախունդովը,—համարելով կեղտոտ և ճիճուներ, նրանց չմոտենալը և նրանց կերակուրներն ուտելուց խուսափելը մեզ համար անհրաժեշտ եք համարում և նրանց ենթարկում եք մեր ատե-

¹ Մ. Ֆ. Ախունդով, Երկեր, հատ. 3, էջ 88:

² Նույն տեղում, էջ 82:

³ См. М. Д. Багиров, К вопросу о характере движения мюридизма и Шамилия, Госполитиздат, 1950 г.

լուծյանը: Կարծես թե, ամբողջ աշխարհը փշոտ է, միայն դուք մի փունջ կարմիր վարդ եք, որ բացվել եք այդ փշերի մեջ¹:

«Խոտամբուլի երիտասարդներից Սուլալի էֆենդիի հայացքների դեմ կրիտիկա» իր հայտնի հոդվածում (1871 թ.) Ախունդովը մերկացնում է Սուլալիի ռեակցիոն հայացքները, նրա գազանային ատելությունը այլ ազգերի նկատմամբ, նրա այն քարոզը, թե պետք է խուսափել ուրիշ ազգությունների պատկանող մարդկանցից: Ախունդովը գրում էր.

«Մենք տեսել ենք ամբողջ երկրագնդի ազգերին կեղտ և կեղտոտ համարելով նրանցից խուսափելու դառն հետևանքները, մինչև այսօր ուրիշ ազգերին չխառնվելու պատճառով գիտություն և արհեստներ ձեռք բերելու մեջ հետ ենք մնացել... մեր տգիտության հայրը եղել է ֆանատիզմը: Էյ, խարարդար, ֆանատիզմից հեռու մնացե՛ք»:

Ախունդովը պահանջում էր հարգել բոլոր ժողովուրդներին, նրանց լեզուն, գրականությունը, կուլտուրան: Նա բարձր է գնահատել բազմաթիվ ժողովուրդների կուլտուրան, նրանց առաջավոր գիտնականներին, գրողներին:

Մ. Ֆ. Ախունդովը սպանիչ քննադատության է ենթարկել այն բոլոր պահպանողականներին, որոնք իրեն համարել են Րբանի և Թյուրքիայի թշնամի: 1871 թվականին իր բարեկամ Ռուհուլզուդդին (Միրզա Մելքում խան) ուղղած նամակում Ախունդովը գրել է.

«Մարդկության թշնամին... ինձ իրանցիների և օսմանցիների վատությունը ցանկացողների շարքին էր դասում...»

Ես ի՞նչ գործ ունեմ իրանցու և օսմանցու հետ: Ես... ցիվիլիզացիա տարածող ամեն մի մարդու հետևորդը և ազնիվ բարեկամն եմ: Մարդկության թշնամի և ցիվիլիզացիային արգելք հանդիսացող ամեն մի մարդուց հեռու եմ և ձանձրացել եմ²:

Ախունդովը պայքարում էր ոչ թե թյուրք, կամ իրանական ժողովուրդների դեմ, այլ նրանց թշնամիների՝ սուլթանների ու շահերի, վեզիրների ու փաշաների արյունոտ տիրապետության դեմ, պանիսլամիզմի ռեակցիոն գաղափարախոսության դեմ: Ախունդովը պայքարից երբեք չի վախեցել, դժվարությունների և ռեակցիայի հարձակումները նրան երբեք ետ չեն կանգնեցրել և նա վճռել է պայքարել մինչև վերջ: «Ես այն մարդկանցից չեմ, որ թշնամու առջև վահանը ցած գցելով նրան հանձնվեմ: Բնչքան որ կենդանի եմ, մինչև կյանքիս վերջը կովելու եմ գրչով Ստամբուլի վեզիրների հետ³, գրում է նա:

* * *

Մ. Ֆ. Ախունդովը ժողովուրդների թշնամիների շարքում իրավամբ տեսնում էր եվրոպական գաղութարարներին: Նա իր սպանիչ սատիրայի ամբողջ ուժով մերկացնում և ծաղրում էր «կուլտուրական» եվրոպայի ամբողջ նեխվածությունը: Միրզա Ֆաթալին համարձակորեն մերկացնում էր

¹ Մ. Ֆ. Ախունդով, Երկեր, Ազերնեշը, 1938, հատ. 2, էջ 113:

² Աղբ. ՍՍԽ ԳԱ Նիդամիի անվան Գրականության և լեզվի ինստիտուտի ձեռագրային ֆոնդ, Մ. Ֆ. Ախունդովի արխիվ:

³ Նույն տեղում:

⁴ „Աзәрбайҹан әдәбийяты тарихи“. Азәрнәшр, 1944, ч. 2, сәһ. 379.

և վրոպական հարստահարիչների գաղութային երկրների հարյուր միլիոնավոր ժողովուրդների նկատմամբ գործադրած գազանային բռնությունը: Նա չատ լավ էր հասկանում անգլիական և ֆրանսիական գաղութարարների՝ Արևելքի ժողովուրդների նկատմամբ վարած քաղաքականության ագրեսիվ էությունը: Խոսելով անգլիացիների կողմից Հնդկաստանի ժողովուրդների ստրկացվելու դառն հետևանքների մասին, Ախունդովը գրում է.

«Ամբողջ աշխարհին հայտնի է, որ անգլիացին ինչպես է վերաբերվում Հնդկաստանի բնակչության հետ: Միթե «ցիվիլիզացիայի» հասած անգլիացին... Հնդկաստանի ազգաբնակչության հետ սեպուտից լավ է վարվում»^{1,2}

Անգլիական կառավարությունը այն ժամանակ էլ, ինչպես մեր օրերում, եղել է պատերազմի հրձիգ և իր գաղութային քաղաքականությունը իրագործել է պատերազմների օգնությամբ:

«Յարված աստղեր» (1857) իր հայտնի պատմվածքում Ախունդովը բացահայտում է Անգլիայի ռազմամոլությունը:

* * *

Մ. Ֆ. Ախունդովը ժողովուրդների բարեկամության հարցը երբևէ չէր բաժանում աշխատավոր մասսաների ազատագրական պայքարից: Նա լավ գիտակցում էր, որ այնտեղ, որտեղ իշխում են բռնակալական կարգերը, բոլոր ժողովուրդները ենթարկվում են ճնշման, հարստահարման և կեղեքման, հետևաբար տարբեր ժողովուրդների նույնանման գոյավիճակը պետք է մոտեցնի, մտերմացնի նրանց:

Նա իր անմահ «Հաջի Կարա» կոմեդիայում կերտել է երկու հայ գյուղացիների կերպարը՝ Առաքելի և Մկրտչի, որոնք իրենց հալալ քրտինքով ապրող մարդիկ են, միևնույն ժամանակ հարևան ագրեջանցի գյուղացիների ամենամտերիմ բարեկամները: Միշտ, ամենագծվար բոլորներին նրանք օգնության են հասնում իրար: Այդ բարեկամության պատճառները, Ախունդովը ճիշտ կերպով տեսնում է նրանց նույնանման գոյավիճակի մեջ. ե՛վ հայ և՛ ագրեջանցի գյուղացին ապրում են նույն ծանր և տանջալից կյանքով, հավասարապես ճնշվում ու հարստահարվում են զարապական չինովնիկների, խաների ու բեկերի, վաշխառուների ու վաճառականների կողմից: Կոմեդիայի հերոս, ժլատ ու խորամանկ վաճառական Հաջի Կարան ոչ միայն սովի է մատնում իր ընտանիքը, այլև հարստահարում, բռնություն է գործադրում ագրեջանցի և հայ աշխատավորների վրա: Նա, անամոթաբար զենք է բարձրացնում անմեղ, ազնիվ, աշխատասեր հայ գյուղացիների վրա:

Պետք է ազատվել Հաջի կարանների ձեռքից, որպեսզի նրանք մեկ էլ զենք չբարձրացնեն անմեղ մարդկանց վրա, պետք է փրկվել զարապական չինովնիկներից, որպեսզի նրանք չպաշտպանեն հաջի կարաններին և չբանտարկեն անմեղ աշխատավոր մարդկանց: Այս է Ախունդովի եզրակացությունը:

Բայց Ախունդովը չէր բավականանում առանձին չինովնիկների, շահագործողների մերկացումով: Նա քննադատում էր այն հասարակարգը, այն պետական սխտեմը, որը հնարավորություններ է ստեղծում ոճրագոր-

¹ Մ. Ֆ. Ախունդով, Երկեր, հատ. 3, էջ 160:

ծուխյունների, թալանի, բռնության համար, ժողովուրդների իրավունքների ոտնահարման համար:

Մ. Ֆ. Ախունդովը Արևելքի ժողովուրդների փրկությունը տեսնում էր ինքնակալության դեմ պայքարի մեջ: Նա բոլոր ժողովուրդներին կոչ էր անում պայքարի՝ ընդդեմ բռնության և դեսպոտիզմի: Վերաբերյալ ժողովուրդները իրագործելը և բռնությունը վերացնելը,—գրում է Ախունդովը,—հնարավոր է այն ձևով, որ ասացի վերևում, այսինքն ինքը ազգը պետք է աչքարաց և գիտության տեր լինի, պետք է միության և դադարաբաժան միասնության հիմունքները ձեռք բերի, դրանից հետո գիմելով բռնակալին, պետք է ասի. տիրապետության և կառավարության շքեղությունից հետ քաշվիր:

Իրանից հետո, ինքը, ժամանակաշրջանի գրողականը համապատասխան օրենք ընդունելով, Գոնստիտուցիա պետք է գրի և իրագործի այդ: Այն ժամանակ ազգը նոր կյանք է ձեռք բերելու և Արևելքը գեղեցիկ դրախտի նման է լինելու: Իսկ այս հսկայական գործերը խրատներով և քարոզներով իրագործել չի կարելի: ...Գործի իրականացումը խրատելու, քարոզ կարգալու և խորհուրդ տալու մեջ չէ: Աչքի առջև եղած այս հիմքը արմատից, տակից պետք է քանդվի:

Պետք է նշել, որ Ախունդովը ժողովուրդներին ուսուցողության կոչ անելով հանդերձ, մնում է որպես մեծ լուսավորիչ-գեմոկրատ, դեռ չկարողանալով հասնել դասակարգային պայքարի դադարաբաժին: Նա ուսուցողության իրագործումը կապում է ժողովուրդների լուսավորության հետ: Այնուամենայնիվ, Ախունդովի առաջ քաշած հարցերը, բռնության և ինքնակալության ոչնչացման համար նրա ցույց տված ուղիները, Արևելքի բոլոր ժողովուրդների համար ունեցել են խոշորագույն պրոգրեսիվ նշանակություն:

Մ. Ֆ. Ախունդովը իր ամբողջ կյանքը նվիրեց Արևելքի ժողովուրդներին բռնության ու ֆանատիզմի լծից ազատագրելու, լուսավորելու վեհ գործին: Բացի այն բազմաթիվ գեղարվեստական, փիլիսոփայական, գրական-քննադատական երկերից, որոնցով ծառայեց նա բոլոր ժողովուրդներին, մեծ հումանիստը մի շարք գործնական քայլեր կատարեց Արևելքի ժողովուրդներին ֆանատիզմի և տգիտության ճիրաններից փրկելու, նրանց կուլտուրական և լուսավորական վերելքի համար: Այս է հաստատում նրա 20 տարի շարունակ մղած պայքարը հին արաբական դժվար ու թերի այրուբենի դեմ, որը Արևելքի բազմամիլիոն ժողովուրդների կուլտուրական հետամնացության պատճառներից մեկն էր: Ախունդովը նոր այրուբենի ստեղծումը համարում էր շատ կարևոր, որովհետև այդ նոր այրուբենը, երկրագնդի ազգաբնակչության համարյա կեսին, ամբողջ արևելյան ժողովուրդներին փրկելու էր իսլամական կրոնի մոլեռանդությունից, արաբական այրուբենի բազմաթիվ մեծաքանակ դժվարություններից և խթան էր հանդիսանալու Արևելքի ժողովուրդների կուլտուրական վերածննդին:

Այդ է պատճառը, որ Ախունդովը տարիներ շարունակ համառորեն պայքարում էր նոր այրուբենի իրագործման համար. չէր հուսահատվում անհաջողություններից, իր կազմած այրուբենի զանազան նախագծերը ուղար-

¹ Մ. Ֆ. Ախունդով, Երգեր, հատ. 3, էջ 218:

² Նույն տեղում, էջ 217:

կում էր աշխարհի բազմաթիվ քաղաքները՝ Պետերբուրգ, Փարիզ, Լոնդոն, Բեռլին, Վիեննա, Կոստանդինուպոլիս, Թեհրան, Թավրիզ և այլ տեղեր, զանազան ժողովուրդների ներկայացուցիչների կարծիքը հարցնում։ Չնայած այն բանի, որ Ախուենդովի այս օգտակար աշխատանքը անհետևանք մնաց, բայց մեծ մարտնչողը նորից չհուսահատվեց, վստահ, որ գալիք սերունդը անպայման կիրագործի նրա իդեալը։

Ախուենդովը հարգել և սիրել է աշխարհի բոլոր ժողովուրդներին։ Այդ ժողովուրդների մեջ նա առաջին տեղը հռետկացրել է ուսման մեծ ժողովուրդին։ Նա իր ժամանակակիցների մեջ բոլորից լավ, բոլորից հստակ է պատկերացրել ուսման մեծ ժողովրդի ազատարար դերը ադրբեջանական ժողովրդի համար, Արևելքի այլ ժողովուրդների համար։ Նա բարձր է գնահատել առաջավոր ուսման կուլտուրան ու գրականությունը։ Պատահական չէ, որ նա իր առաջին գեղարվեստական երկը՝ «Արևելյան պոեմը» նվիրել է ուսման ժողովրդի մեծ զավակ Ա. Ս. Պուշկինի անմահ հիշատակին։

Մ. Ֆ. Ախուենդովը խոշոր նշանակություն է տվել Ադրբեջանի Ռուսաստանի հետ միացմանը, որը կարևորագույն դեր է խաղացել ադրբեջանական աշխատավորների քաղաքական-տնտեսական կուլտուրական կյանքում։ Նա շատ լավ գիտեր, որ ռուսների հովանավորության տակ միանգամայն ապահովված է նրանց կյանքը, սեփականությունը և պատիվը, մինչդեռ նրանց եղբայրակիցները Պարսկաստանում և Թյուրքիայում գտնվում են խղճալի դրության, սարսափելի թշվառության մեջ։

Ախուենդովը հավատում էր ադրբեջանական ժողովրդի փայլուն և երջանիկ ապագային։ Որովհետև ուսման մեծ ժողովուրդը ամուր բռնել էր նրա ձեռքից, փրկել էր ահեղի կործանումից, պարսիկ և օսմանական բարբարոսների կողմից սպառնացող վերջնական բնաջնջումից։

Մեծ գրողի և մտածողի իդեալը այժմ ամբողջովին իրականացել են։ Ադրբեջանական ժողովուրդը դարձել է առաջավոր սովետական մի ժողովուրդ, ստեղծելով ձևով ազգային, բովանդակությամբ սոցիալիստական բարձր կուլտուրա։

Ախուենդովը գիտակցում էր, որ Արևելքի այլ ժողովուրդներ, օրինակ՝ Իրանի և Թյուրքիայի խեղճ ու տանջված, սովի ու մահի ենթարկված, խլամական կրոնի, տգիտության և ֆանատիզմի սպանիչ հարվածների տակ հեծող աշխատավոր ժողովուրդները նույնպես ուսման ժողովրդի օգնությամբ կարող են պրոգրեսի ուղին բռնել։ Այդ են վկայում մեծ մտածողի այն խոսքերը, որտեղ նա համեմատում է Ռուսաստանի տիրապետության տակ գտնվող ադրբեջանցիների կյանքի բարենպաստ պայմանները Թյուրքիայի և Իրանի ժողովուրդների ողբերգական վիճակի հետ։

Այժմ պատմությունը փայլուն կերպով ապացուցել է ուսման մեծ ժողովրդի վճռական դերը աշխարհի բազմաթիվ ժողովուրդների ազատագրության գործում։ Այժմ, Սովետական Միությունում ապրող և իրենց ավելի երջանիկ կյանքի համար պայքարող 60-ից ավելի ազգեր և ազգություններ, այդ թվում Անդրկովկասի ժողովուրդները, դարավոր ճնշումից իրենց ազատագրվելու համար պարտական են միայն և միայն ուսման մեծ ժողովրդին, նրա եղբայրական օգնությանը։ Ռուս ժողովրդի գլխավորությամբ ստեղծվել է ՍՍՄԽ-ի ժողովուրդների անսասան ստալինյան ընտանիքը։

«Մեր երկրի ժողովուրդների բարեկամությունը ցեմենտող ուժը, — ասել

է քնկեր Լ. Պ. Բերիան,—հանգիստանում է ոուս ժողովուրդը, ոուս ազգը՝ որպէս Սովետական Միութեան կազմի մեջ մտնող բոլոր ազգերից առավել ականավոր ազգը¹։

Ռուս մեծ ժողովրդի, Սովետական Միութեան բոլոր ժողովուրդների զավակներից բաղկացած հզոր Սովետական Բանակը Արևելյան Եվրոպայի բազմամիլիոն ժողովուրդներին փրկեց ֆաշիստական սպառնալիքից և ապահովեց նրանց երջանիկ կյանքը։ Այդ ժողովուրդների օգնութեամբ ազատագրվել՝ այժմ իր երջանիկ կյանքն է կառուցում չին մեծ ժողովուրդը։

Սովետական Միութեանը հանգիստանում է այն հզոր ուժը, որ միացնում է աշխարհի բոլոր ազատասեր և խաղաղասեր ժողովուրդներին՝ իմպերիալիզմի և պատերազմի հրձիգների դեմ նրանց մղած համառ պայքարում։

Այդ պայքարի քաջարի մասնակիցների շարքերում են գտնվում Արևելքի բազմամիլիոն ժողովուրդները՝ արաբները, հնդիկները, իրանցիները, թյուրքերը և շատ ուրիշները, որոնց ազատութեան ու անկախութեան մասին երազում էր մեծ Ախունդովը և որոնք պայքարի էր կոչում բոնութեան ու խավարի դեմ։

Եվ այսօր, երբ իմպերիալիզմը աշխարհի խաղաղասեր ժողովուրդներին ստրկացնելու, սրի ու հրի մատնելու քաղաքականութիւն է վարում, նոր ուժով են հնչում Ախունդովի ազատասիրական գաղափարները, ժողովուրդների եղբայրութեան կոչերը։

Մեծ մատերիալիստ, ժողովուրդների բարեկամութեան դրոշակակիր Մ. Ֆ. Ախունդովը իր առաջավոր, պրոգրեսիվ գաղափարներով ապրում է այսօր, մասնակցում գաղութային և կախյալ երկրների ժողովուրդների մղած հերոսական ազատագրական պայքարին՝ ուղղված իմպերիալիստական բոնութեան և ստրկութեան դեմ։ Նա օգնում է մեզ, սովետական մարդկանց սիրել մեր Սովետական Հայրենիքը, հարգել բոլոր ազատասեր և խաղաղասեր ժողովուրդներին, սիրել ոուս մեծ ժողովրդին և ատել ժողովուրդների բարեկամութեան բոլոր թշնամիներին։

¹ Լ. Պ. Բերիան, Ճառ համերգի Պ XIX համագումարում, Հայպետհրատ, 1952, էջ 21։